

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-34-9528/24
Tuzla, 16.04.2024. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 16.04.2024. godine, donosi

ODLUKU
o utvrđivanju prijedloga Odluke

I

Utvrđuje se prijedlog Odluke o pripajanju Javne ustanove Mješovita srednja rudarska škola Tuzla Javnoj ustanovi Mješovita srednja građevinsko - geodetska škola Tuzla.

II


Prijedlog Odluke o pripajanju Javne ustanove Mješovita srednja rudarska škola Tuzla Javnoj ustanovi Mješovita srednja građevinsko - geodetska škola Tuzla uputit će se Skupštini Tuzlanskog kantona na razmatranje i donošenje.

III

Odluka stupa na snagu danom donošenja.

DOSTAVITI:

- 1 x Skupštini Tuzlanskog kantona
- 1 x Ministarstvu obrazovanja i nauke
- 1 x Evidenciji
- 1 x a/a



PREMIJER KANTONA

Irfan Halilagić

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

O D L U K A

**o pripajanju Javne ustanove Mješovita srednja rudarska škola Tuzla Javnoj ustanovi
Mješovita srednja građevinsko-geodetska škola Tuzla**

Tuzla, april 2024. godine

Na osnovu člana 21. i 25. Zakona o srednjem obrazovanju i odgoju – prečišćeni tekst („Službene novine Tuzlanskog kantona“, br. 10/20, 11/20, 8/21, 11/21, 22/21, 5/22, 10/22, 11/22, 9/23 i 12/23), Skupština Tuzlanskog kantona, na sjednici održanoj dana _____ 2024. godine,
d o n o s i

O D L U K U

o pripajanju Javne ustanove Mješovita srednja rudarska škola Tuzla Javnoj ustanovi Mješovita srednja građevinsko-geodetska škola Tuzla

Član 1.

(Predmet odluke)

Ovom odlukom Javna ustanova Mješovita srednja rudarska škola Tuzla (u daljem tekstu: Rudarska škola) pripaja se Javnoj ustanovi Mješovita srednja građevinsko-geodetska škola Tuzla (u daljem tekstu: Građevinsko-geodetska škola) od 01.09.2024. godine.

Član 2.

(Preuzimanje zaposlenika)

(1) Građevinsko-geodetska škola preuzet će zaposlenike koji su zatečeni u radnom odnosu u Rudarskoj školi na neodređeno vrijeme na dan stupanja na snagu ove odluke, u skladu sa Zakonom o srednjem obrazovanju i odgoju – prečišćeni tekst („Službene novine Tuzlanskog kantona“, br. 10/20, 11/20, 8/21, 11/21, 22/21, 5/22, 10/22, 11/22, 9/23 i 12/23 – u daljem tekstu: Zakon) i sa istim zaključiti ugovore o radu na neodređeno vrijeme.

(2) Prava, obaveze i odgovornosti iz radnog odnosa i u vezi sa radom zaposlenika Rudarske škole iz stava (1) ovog člana u Građevinsko-geodetskoj školi počinju teći od 01.09.2024. godine.

(3) Obaveza preuzimanja zaposlenika iz stava (1) ovog člana podrazumjeva i preuzimanje lica koja su u radnom odnosu na neodređeno vrijeme na dan stupanja na snagu ove odluke u Rudarskoj školi sa uspostavljenim mirovanjem prava i obaveza iz radnog odnosa.

(4) Preuzimanjem lica iz stava (1) ovog člana ne može se ugroziti radno-pravni status zaposlenika Građevinsko-geodetske škole.

Član 3.

(Preuzimanje imovine, prava, obaveza i dokumentacije)

(1) Nepokretnu imovinu, prava, obaveze, arhivu, akte, predmete, sredstva za rad, opremu, inventar i druge pokretne stvari i dokumentaciju čiji je vlasnik ili koju posjeduje Rudarska škola, nakon izvršenog popisa i sačinjavanja pratećeg zapisnika, preuzet će Građevinsko-geodetska škola.

(2) Popis i zapisnik iz stava (1) ovog člana sačiniti će zajednička komisija koja broji 5 članova, koju će, najkasnije do 01.06.2024. godine, uz prethodnu saglasnost direktora Građevinsko-geodetske škole, imenovati direktor Rudarske škole.

(3) Komisija iz stava (2) ovog člana obavezna je popis, te izradu i potpisivanje pratećeg zapisnika okončati najkasnije do dana prestanka rada Rudarske škole.

(4) Sva prava i obaveze Rudarske škole prema nadležnim organima, korisnicima usluga, povjeriocima, te drugim pravnim i fizičkim licima koja ne budu realizovana do dana prestanka rada Rudarske škole preuzima Građevinsko-geodetska škola, ako ovom odlukom nije drugačije određeno.

(5) Rudarska škola obavezna je nakon stupanja na snagu ove odluke izvijestiti sve povjerioce sa kojim je u ugovornom odnosu ili sa kojim prije prestanka rada namjerava stupiti u ugovorni odnos o prestanku rada Rudarske škole.

Član 4.

(Zbrinjavanje zaposlenika)

(1) Zaposlenici Rudarske škole za čijim radom prestane potreba nakon stupanja na snagu ove odluke zbrinut će se u skladu sa Zakonom i Programom zbrinjavanja zaposlenika za čijim radom je prestala potreba u ustanovama srednjeg obrazovanja.

(2) U skladu sa mogućnostima i iskazanim potrebama za zapošljavanje škola čiji je osnivač Skupština Tuzlanskog kantona, zbrinjavanje zaposlenika iz stava (1) ovog člana izvršit će se na neodređeno vrijeme.

(3) Ukoliko se zbrinjavanje zaposlenika iz stava (1) ovog člana ne bude moglo izvršiti na neodređeno vrijeme, isti će se, nakon isteka perioda na koji su zbrinuti u drugu školu čiji je osnivač Skupština Tuzlanskog kantona, vratiti u Građevinsko-geodetsku školu, kao matičnu ustanovu, i u istoj uspostaviti radno-pravni status u skladu sa Zakonom.

Član 5.

(Prestanak rada Rudarske škole)

(1) Rudarska škola prestaje sa radom zaključno sa 31.08.2024. godine, sa kojim danom prestaju da važe i akti o imenovanju organa upravljanja i organa rukovođenja Rudarske škole.

(2) Do prestanka rada Rudarske škole, ista je obavezna poduzimati sve potrebne radnje vezane za nesmetan rad i funkcionisanje škole do njenog prestanka (sređivanje dokumentacije, pripreme ugovora o radu, odjave zaposlenika i sl.).

(3) Prilikom izrade prijedloga plana upisa učenika u školskoj 2024/2025. godini Građevinsko-geodetska škola će obuhvatiti i zanimanja iz Rudarske škole koja egzistiraju na dan stupanja na snagu ove odluke.

Član 6.

(Brisanje iz registra)

(1) Na osnovu ove odluke izvršit će se brisanje Rudarske škole iz sudskog registra i registra Ministarstva obrazovanja i nauke Tuzlanskog kantona.

(2) Pravne radnje vezane za brisanje iz stava (1) ove odluke provest će Građevinsko-geodetska škola.

Član 7.

(Zaštita korisnika usluga)

Građevinsko-geodetska škola obavezna je, u skladu sa Zakonom, učenicima i polaznicima Rudarske škole omogućiti nastavak i završavanje započetog obrazovanja, te preuzeti prava i obaveze u odnosu na druge korisnike usluga sa kojim se Rudarska škola nalazi u ugovornom odnosu.

Član 8.

(Usklađivanje općih akata)

Građevinsko-geodetska škola će uskladiti opće akte sa Zakonom i ovom odlukom do početka školske 2024/2025. godine.

Član 9.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Skupština

Broj:
Tuzla,

Predsjednik
Skupštine Tuzlanskog kantona

Žarko Vujović

OBRAZLOŽENJE

Ministarstvo obrazovanja i nauke Tuzlanskog kantona (u daljem tekstu: Ministarstvo) pokrenulo je proceduru pripajanja Javne ustanove Mješovita srednja rudarska škola Tuzla Javnoj ustanovi Mješovita srednja građevinsko-geodetska škola Tuzla, te je u vezi sa navedenim Skupština Tuzlanskog kantona, na sjednici održanoj 30.10.2023. godine, donijela Odluku o usvajanju Elaborata o opravdanosti pripajanja JU Mješovita srednja rudarska škola Tuzla JU Mješovita srednja građevinsko-geodetska škola Tuzla, broj: 01-02-467-4/23. Tačkom II predmetne odluke Ministarstvo je zaduženo da pripremi prijedlog Odluke o pripajanju Javne ustanove Mješovita srednja rudarska škola Tuzla Javnoj ustanovi Mješovita srednja građevinsko-geodetska škola Tuzla i isti putem Vlade Tuzlanskog kantona dostavi Skupštini Tuzlanskog kantona na razmatranje.

Na osnovu iznesenog, a u vezi sa odredbama člana 21. Zakona o srednjem obrazovanju i odgoju – prečišćeni tekst („Službene novine Tuzlanskog kantona“, br. 10/20, 11/20, 8/21, 11/21, 22/21, 5/22, 10/22, 11/22, 9/23 i 12/23 – u daljem tekstu: Zakon), kojim je propisano da škola može proširiti ili promijeniti djelatnost kao i da može vršiti statusne promjene: spajanje, pripajanje, podjelu i izvajanje, te da iste promjene važe od početka naredne školske godine, te člana 25. Zakona, kojim se regulišu pitanja prestanka rada škole i aktivnosti koje se trebaju poduzeti kada dolazi do prestanka rada škole, Ministarstvo je pripremilo prijedlog Odluke o pripajanju Javne ustanove Mješovita srednja rudarska škola Tuzla Javnoj ustanovi Mješovita srednja građevinsko-geodetska škola Tuzla, kojom se regulišu sva pitanja od značaja za predmetnu statusnu promjenu, poput datuma pripajanja i gašenja JU Mješovita srednja rudarska škola, preuzimanja zaposlenika, imovine, prava, obaveza i dokumentacije, zbrinjavanja zaposlenika, zaštite korisnika usluga, brisanja iz registra JU Mješovita srednja rudarska škola kao i usklađivanja općih akata JU Mješovita srednja građevinsko-geodetska škola Tuzla, te isti dostavlja Vladi Tuzlanskog kantona na dalje postupanje.

MINISTARSTVO OBRAZOVANJA I NAUKE